

Guangjisi Minzcuz Bau

ganhhau: CN45-0036 B.2013 Nd.11 Ng.13 liggaueq gveiqceih nienz ndwencib cib'it

广西民族报

(壮文版)

主办:广西区民语委

出版:广西民族报社

出版周期:逢星期三出版

出版期数:总第3098期

Nanzningz Si Lai Aen Cosih Doi Hong Vah Saw Minzcuz Ndaej Yamqonj Baenaj

南宁市多措并举助推民族语文工作稳步发展

Gaenh bi daeuj, Nanzningz Si cizgiz gvancez losiz guekgia minzcuz yijvwnz gunghcoz cwngecwz fazgveih, nyinhcaen guhhong, doidoengh hong vah saw minzcuz ndaej yamqonj baenaj.

It dwg ok gij vwnzgen gveihfan Vahcuengh Sawcuengh. Bineix 5 nyied, dawz《Nanzningz Si Sawcuengh Sevei Sawjungh Guenleix Banhfap》dangguh cwngecwz mingling fatbough, daj 7 nyied 1 hauh hwnj cingqsik ciuqguh. Aen banhfap neix dwg gih raeuz daih'it bouh saujsu minzcuz yijyenz vwnzsw gunghcoz cwngefuj gveihcangh.

Ngeih dwg cizgiz damqra Vahcuengh Sawcuengh byauhcanjva gaujsi. Bi'gvaq 6 nyied, daih'it baez Gvangsiah Vahcuengh Sawcuengh suijbingz gaujsi youz Swcigih Yinzminz Cwngefuj, Swcigih Minzyijveij

nem Nanzningz Si Yinzminz Cwngefuj doengz banh haenx ndaej swnhleih saedhengz. Bineix Vahcuengh Sawcuengh suijbingz gaujsi yaek youq 12 nyied gawjhengz. Dangqnaj, Nanzningz Si gak aen gaujdenj cingq cugmbaek guh ndei gak hangh hong bwh.

Sam dwg onjbouh doihaeuj“song vah saw” sonhag gunghcoz. Cuengh Gun song vah saw gyauyuz dwg Bouxcuengh daegbied aeu miz haenx, dwg gij neiyungz cungyau ndaw Nanzningz Si minzcuz gyauyuz. Dangqnaj, Nanzningz Si gungh miz Cuengh Gun song vah saw sonhag saedniemh yozyau 28 aen, ndawde siujyoz 21 aen, minzcuz cunghyoz 7 aen.

Seiq dwg ca ndei Vahcuengh gvangjbo yingjsi gunghcoz. Vih yienh'ok gij ndei Vahcuengh, swnj-

cienz vwnzva Vahcuengh maenhndei, Vujmingz Yen densidaiz youq bi-gvaq haibo Vahcuengh cezmuz liux caiq mboujduenh caezcienz Vahcuengh cezmuz neiyungz, Sanglinz Yen dauqfuk haibo Vahcuengh densi sinhvwnz cezmuz cingq gyavaiq doihaeuj.

Haj dwg caezcienz minzcuz yijvwnz gunghcoz gihgou. 2010 nienz, Nanzningz Si dawz minzyijveij laeb-baenz aen fucugiz saehnieb danhvei youz si minzveij guenj haenx, baihdaw laeb 2 aen cinggohgiz gohsiz, dingh bouxbenhei 8 boux. 2013 nienz ndaw si caizcwnge anbaiz minzcuz yijvwnz yezvu cienhangh cienngaenz, vih Nanzningz Si hong vah saw minzcuz ndaej gengangh fazcanj daezhawj cujiz nem cienngaenz baujgah.

(Veiz Yenzfuz)

SIUSIK DINJ 简讯

● 11 nyied 7 hauh daengz 10 hauh, Lozyez Yen gawjbanh saujsu minzcuz ganbu beizyinhbanh, 120 boux ganbu saujsu minzcuz daj daengx yienh gak yangh(cin), ndaw yienh gak danhvei daeuj camgya.

(Bungz Ciswnh)

● Vih nyinhcaen guh ndei hong henhoh guenleix vwnzva conzungj minzcuz ndawbiengz, hawj Lungzanh Yen gij fwenbaiz Bouxcuengh gig miz daegsaek haenx ndaej swnjcienz nem fazcanj, 11 nyied 6 hauh, yienh vwnzva'gvanj gawjbanh fwenbaiz Bouxcuengh vunzlai souh'ik beizyinhbanh, 30 boux maj fwen daj ndaw yienh gak yangh(cin) daeuj camgya beizyin.

(Veiz Veilanz)

● 11 nyied 1 hauh, Gveilinz Si minzveij senhgyangjdonz daengz Yangzsoz Yen Gauhdenz Cin gaihcanj ndwen senhconz minzcuz doxgiet nem minzcuz fapldw fazgveih gyangjco, aen cin neix cujiz ndaw cin, cunh doenghboux ganbu nem dangjyenz daibyauj gungh 80 lai boux camgya beizyin.

(Vangz Yilanz Cinz Gwngghdi)

● 11 nyied 5 daengz 6 hauh, Dasinh Yen Wnhcwnz Yang cujiz nungzhoh ciemdingh gij hozdungz boujdiep ndaem ndoeng-faex swngghdai hawj vunzlai souh'ik haenx, gungh ciemdingh hozdungz boujdiep 12.7 fanh moux, ndawde cunghyangh gaep daihgaiq miz 12.6 fanh moux, swcigih gaep daihgaiq 1523 moux, neix hawj baezlaeng guh hong boujdiep ndaem gij ndoeng neix daj ndei giekdaej.

(Nungz Ligenh)

Sanhgyangh: Beixnuengx Dungcuz Daenj Ndei Coux Hoihhung



三江: 侗胞盛装迎盛会

11 nyied 9 hauh, Cungghoz Gungcanjdangj Cibbet Gaiq Sanhcungh Cenzei youq Baekging hai. Ngoenzhaenx, Sanhgyangh Dungcuz Swciyen Gujyiz Cin Hozdungh Segih doenghboux Dungcuz daenj ndangdaenj ndei, angqcoux baez hoihhung neix, gyoengqde hai densi, hwnj vangjloz bae yawj siusik, muengh gaijgwz cwngegoj hawj vunz dieg saujsu minzcuz souh'ik. Ndaw doz dwg gyoengqde cingq nyinhcaen yawj gij siusik aen hoih neix.

(Gungh Bujgahng ingi)

Ningzmingz Yen Gawjhengz Mbanj Saujsu Minzcuz Gisuz Saedyungh Beizyinhbanh 宁明县举行少数民族农村实用科技培训班

Geij ngoenz gonq, Ningzmingz Yen Minzcuzgiz faenbied youq Dingzlieng Yangh Lizsinh Cunh Mbanjbwnzcangh, Aiden Cin Ganh'ai Cunh Mbanjnazdung song aen mbanj minzcuz doxgiet sifan neix, gawjhengz 2013 nienz lajmbanj gohgi saed-yungh beizyinhbanh, doenghboux camgya beizyinx miz song aen cunh 16 aen mbanj 300 boux Bouxcuengh

nem Yauzcuz, gungh banh song ngoenz, cingj Ningzmingz Yen Gohgigiz Coz Lijsw gyausou daeuj hwnjdangz. Neiyungz baugvat gisuz dajndaem cazyouzbya, lingzcih, sahyinz, gisuz hawj oij gauhcanj nem gohgi ciengx cwz, ciengx yiengz, minzcuz fapldw fazgveih cihsiz daengj.

Baez beizyin neix hawj aen

yienh neix ginzung saujsu minzcuz gij gisuz dajndaem daengj cunghab suciz ndaej daezsang gig lai, coicaenh ndaw yienh dieg saujsu minzcuz ginghci ndaej youh ndei youh vaiq fazcanj, caemhcai doidoengh aen yienh neix ginghci ndaej hoengh hwnjdaej.

(Suh Fungvah Sinh Gyahbingz)

Daengq Beixnuengx

Aen Gunghgau Gven-daengz Cujiz Gaihcanj 2013 Nienzdoh Vahcuengh Sawcuengh Suijbingz Gaujsi gaeng youz Swcigih Minzyijveij ok, yaek rox baenzlawz bauqmingz gaujsi, cingj hwnj Gvangsiah Minzcuz Bau Vangj(<http://www.gxmzb.net/>)bae yawj. Muengh gyoengq beixnuengx bauqmingz swnhleih, gauj ndaej faen sang.